



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司
基字02260122号 No.6230



162263









偶然早詩集

卷三

五言律

春日

豈謂寒門第、年年亦有春。
緣知天地意、不薄賤貧人。
花鳥怡閒性、文章老得神。
何如豪貴客、軒蓋炫風塵。

金山寺

金山何作寺、日夜漾江心。
砥柱天門大、風波撼古今。
中流一寺一山深、兩岸潮聲歇。
惟聞鐘磬聲、一山深、兩岸潮聲歇、惟聞鐘



五湖周謙吉梅鄰

昆明市文獻局
移文圖書

磬音

登奇嶺

奇嶺層層秀、飛泉處處聲、登臨無倦意、山水正多情、漸覺天將近、迴看世欲平、頓忘身外事、祇有白雲迎、

二

盡日梯危道、夕陽方到巔、眼空無世界、天近絕雲烟、星月隨身大、乾坤入望圓、此間成小築、採藥可忘年、

支提山

支提非不峻，却在萬山窩。
眼界一天小，風聲聚嶺多。
無鄰孤佛殿，曳杖老頭陀。
問我從何至，白雲深處過。

二

亦是人間世，到來耳目驚。
江河飛嶺岫，日月割昏明。
猿嘯千峰合，雷奔萬壑鳴。
支提一古寺，面面擁山城。

望海

水天真一色，鳥嶼似浮杯。
目失帆帆遠，龍吟大壑哀。
波濤翻日出，潮汐擁星來。
浩蕩無涯際，襟懷豁

達開

海洋

不知人世外、澤國更無涯、車馬不到處、乾坤一大
洼、島分千郡邑、星布萬人家、紅日先天曉、波濤散
作花、

江梅

澤國春偏早、江梅力破寒、故園花在目、何意客中
看、景物原無異、人情覺甚闌、歸帆容易達、歲歲阻
江干、

中秋

又是中秋夜無端愁緒生年年故國月歲歲異鄉
明絃管鄰家細邊關曲調清一天羈旅恨無那別
離聲

二

旅懷逢節甚况乃是中秋天上一輪月人間兩地
愁風聲脫梧葉霜色老吾頭烽火家書絕悲涼汗
漫遊

江上旅嘆

記得金陵路長江一水通沂流千尺浪直下半帆
風歸思日爲歲隨人西復東年年多浩嘆愁滿洞

庭中

贈張集庭

詔令宣公並開懷雪似腸我知師道誼世獨重文
章豹隱安中落龍游肯久藏病多疎懶甚相勗意
何長

水西道中雨雪

景物一齊刪須臾竟擁關堆花迷古道砌月老蒼
山旅客皆愁絕乾坤不愛閒回頭憐素影鬚髮亦
斑斑

安江遇風逆舟阻江洲竟夜有感

安江遇風逆舟阻江洲竟有感

客棹中流歇，風波未肯休。
怒濤不萬馬，徹夜撼孤舟。
月湧狂瀾碎，山浮倒影流。
箇中誰砥柱，漁火照閒愁。

別友人

西風霜月勁，把酒寸心焚。
此日一言別，相思兩地分。
命衰長似夜，踪跡老如雲。
揮手蕭蕭去，何年再晤君。

有慨

十年客萬里，書劍老風塵。
失意知時態，多情憶故人。
詩因愁愈拙，骨以傲而貧。
父老知予意，歸期尚

未真

除夕

故國家何在、天涯夕又除、病中消歲月、老去惜詩書、客送三更臘、身經百折餘、不堪回首處、終夜意躊躇

二

歲歲成何濟、殘更嘆幾回、臘從今夜去、人自昔年來、涕淚非傷老、悲悽豈惜才、自慚形未死、心地着寒灰

粉西施牡丹

粉西施牡丹

不識西施貌、名花前後身、園亭一枝艷、富貴幾朝
春、脂粉天然態、詩人眼倍新、吳王宮裏日、傾國自
相親、

雨意

乾坤冥欲合、雨意最愁人、雲失山山秀、烟迷樹樹
春、狂風動危屋、寒氣逼窮民、豈知天地意、將洗萬
方塵、

蟬

豈附青雲上、無過托迹高、費聲添旅恨、終日爲誰
勞、樹本無情物、君徒着意號、寒霜濃葉落、何必太

囂囂

自慨

世上多意氣，慚予情獨孤。
囊空骨更傲，名賤學尤迂。
老去吟無力，愁來酒再沽。
兒童不諳事，常說米薪無。

閨怨

知君不得意，棄我走天涯。
白髮無多歲，青春應惜家。
少婦何能怨，隣人亦漫嗟。
料來湖海路，未必十年賒。

二

欲寄寒衣去、知君在那鄉、妾顏容易老、郎意竟相
忘、踪跡似流水、家園有定方、如何十年內、隻字不
相將、

三

原非薄倖子、何事滯他方、自有丈夫志、難將私意
量、常聽諸伯叔、稱誦子文章、盡道歸鄉好、明時豈
負郎、

四

十年不歸客、一旦得歸來、妾况雖非故、郎顏應亦
開、琴書無恙在、松菊舊時栽、縱使長貧賤、堪供作

武木

山梅

嶺梅枝幹老。蕊欲破寒開。瘦不隨風舞。香偏帶雪
來。松篁高節並。蘭菊澹情猜。莫寄江東信。愁人正
未回。

贈張集庭次原韻

牢落知交寡。多君情轉深。只今昆海月。共此故人
心。夜入還鄉夢。朝憐同調吟。相將無限意。不許鬢
霜侵。

無題次集庭韻

寒積山河暮年華着意催人生能有幾歲月去還
來草木驚將晚鬚眉空自哀千秋不盡恨惆悵只
啣杯

痛極

脊令先廢讀又到蓼莪篇父弟喪萬里地天何獨
然有罪宜亾我傷心際此緣孤踪金碧下腸斷夜
啼猿

二

故里托歸夢雙棺滯異鄉音書那可達生死共誰
傷俎豆隻身在山川六詔長畫溪明月夜望絕種

壹堂

痛弟

吾家少兄弟。有一異鄉人。追念生前愛。難堪死後傷。魂依孤枕畔。骨向老親傍。記得臨危語。江東切莫忘。

和張集庭并贈

臥病不時出。故人相見稀。生涯無計拙。心事與詩違。風景今何似。鬚眉老未歸。多君一相過。久矣掩荆扉。

旅恨

花月除顏色、愁多不可詩、姓名羞問世、老大痛無
兒、五夜家萬里、十年天一涯、欲歸歸未得、衰病倩
誰持、

二

文物風流地、江東天下傳、如何遊子意、翻絕故鄉
緣、問信憑明月、思親望遠天、愁深願酣寢、竟夜不
成眠、

三

喪亂多生死、惟予情更哀、老親魂作客、少弟魄相
傾、剩我餘生在、孤踪何日回、寸心無限恨、萬里獨

徘徊

無題

天地無今古、往來多世人、啞然吾笑我、誰識假非
真、積月自成歲、勞形更役神、老僧入定後、何物是
吾身、

感懷

文章重名下、意氣貴金多、自昔已如此、於今更若
何、問年將老至、久客慣愁磨、偶得工窮句、無人或
自歌、

懷古

遐哉尚古世。海內無苦辛。上有唐虞聖。下多稷契
臣。平成忘帝力。耕鑿盡天民。君相憂勞者。巢由懶
是真。

二

揖讓風云邈。征誅運會屯。一夫毒天下。萬國仰真
人。湯武大不忍。伊周相至仁。尼齊千載慮。大義論
君臣。

三

沛公非智勇。豁達能用人。平信窮無行。何參賤有
身。五年定社稷。三尺靖風塵。秦楚空弘大。賢豪盡

尼古夷字

漢臣

遣懷

富貴長貧賤。窮通盡偶然。百年日有幾。萬古土無邊。道德虛名世。奸邪空污編。嚴陵千載下。多此釣臺傳。

五日同人雅集

莫負中天節。沽樽相勸傾。總拚今日酒。消此異鄉情。海內真朋友。天涯親弟兄。明年茲勝會。身世那無更。

自適

自適
何事多勞擾。吾生亦有涯。無心堪耐世。適與偶然
詩。斗酒常酣睡。出門隨所之。無煩服丹藥。自爾老
來遲。

觀畫

臥遊天下勝。尺幅百千身。山水何難假。人倫不易
真。笑啼勞想像。筆墨恐傷神。縱得工容貌。無非畫
裏人。

贈徐德淵

此日論文道。如君有幾人。多情無一假。傲骨不言
貧。剟氣寒。斗衣冠。隨世民。十年湖海內。之子獨

相親

晤贈東邕野

故人勞寤寐、覲面轉驚疑、別去年無幾、看來鬢欲
絲、途窮持贈句、判醉莫辭卮、他日言離合、終身未
可知

二

亂離疑永別、何意得班荆、狂喜忘賓主、含悲話死
生、琴書君有所、身世我如枰、握手天涯外、難言去
住情

旅夜

萬里含霜月、五更角吹空、獨看涼夜永、更聽漏聲

萬里含霜月。五更角吹空。獨看涼夜永。更聽漏聲窮。
踪跡天涯外。家鄉心事中。悲來常作賦。何日不秋風。

送鍾衍生東歸

同作昆明客。君歸我獨留。繁霜君自愛。涕淚我難收。
萬里輕爲別。千山欲盡秋。好音時附鯉。孤劍在梁州。

除夕

日月何忙甚。今宵夕又除。臘田分夜盡。春到故園虛。
久廢家禮。誰來尺素書。歲時無異昔。鬚鬢不

如初

二

家家皆守歲，兀坐到三更。
客少鄉園夢，隣多兒女聲。
感時惟濺淚，顧影倍傷情。
半世今除夕，天涯過此生。

元旦

車馬喧城市，爭迎天地春。
生平皆已往，歲月又逢新。
客裏年加長，門無身外親。
披衣還去臥，不是避囂塵。

旅慨

計程雖萬里、三月可還家、明白江南路、棲遲昆海
涯、知心惟有我、乘興欲浮槎、但得歸期在、無妨白
髮加。

贈薛鐵崖

雷同多面目、友道到君真、青白分明眼、肝腸不襲
人、片言投意氣、傾蓋許吾身、湖海交情懶、相逢意
一新。

念弟

坎壈吾素分、弟歿異鄉哀、著述依然在、音容想不
來、棄捐三、去、眷戀幾更回、器識非涼薄、難將理

數推

代婦

從無兒女意久識丈夫真可奈高堂老常懷去國
人病扶雖有婦膝下絕無親背處潛嗟嘆恐傷倚
望神

十五望夜對月

天上無涯月驕人獨自憐一生十五望半世四方
緣况乃陰晴異還多愁病纏清光亦惜我莫負此
宵圓

旅嘆

久客無家莫
風零與生
幾時歸故國
馬里

旅嘆

久客無家夢飄零與性成
幾時歸故國萬里老生
平明月獨清夜淒風聚籟聲
不堪盈耳目盡是異
鄉情

五日

客裏天中節今朝十二過
愁魔年與長歸計日蹉
跎蒲酒隣人醉榴花照眼多
浮生皆若夢何用嘆
輾軻

夜雨

好雨終宵下如傾天上泉
農人喜不寐旅客思無
眠故國知何似他鄉大有年
一天離恨淚滴滴灑

窗前

和王漸左終夜蛙鳴

中夜籟俱寂、無端蛙亂鳴、數聲來枕上、萬里旅心
驚、詎有無知物、居然亦愛名、可憐遊子意、鼓吹到
天明、

旅懷

惆悵吾生事、閒眠或自吟、還鄉惟有夢、久客豈予
心、烟雨冥天地、風雲幻古今、如何此景象、層積在
胸襟、

送汪曰吉歸江南

暝色連天地，驪歌送遠征。但傾今夜酒，莫話舊時情。
身世原如夢，人生多不平。去畱言未已，鼓角動南城。

二

夜來愁欲絕，角曉更淒思。寒氣足衣帶，秋風吹別離。
行行還戀戀，去去復遲遲。萬里都垂老，重逢未可知。

三

丈夫無別淚，傷感不禁何。兄弟旣絕少，友朋偏去多。
龍文韜寶鐔，玉瑟鼓山阿。以此爲長策，無風地

不波

四

南村成約久，今日獨先歸。
淚向西風落，心隨北雁飛。
有家君去好，築室我來依。
料得情如舊，相將懷采薇。

同人酌酒白衣閣喜晴

雨歇南天霽，高樓酒百巡。
是山都積翠，無地復生塵。
爽氣催荷蕊，薰風宜醉人。
眼前皆極樂，何用問迷津。

志隱

志隱

杜門非好靜。學道世情闌。多病知交絕。忘機天地
寬。無心千古史。有伴一漁竿。更欲尋幽趣。山前看
藥欄。

寫意

懶成忘世界。養定卽深山。不透人間事。何能常閉
關。著書惟適興。隨筆不加刪。宴起原無意。遲眠心
亦閒。

送王漸左之柳州

君向龍城去。當時我一過。狹江秋水盛。少地石山
多。瘴癘須珍重。兵民善輯和。人情同裸爨。風景似

牂牁

二

治亂都爲客、相逢離別中、十年無幾面、一劍各飄蓬、地到南滇盡、天將西粵窮、極邊皆鳥道、萬里寸心通、

三

滇粵皆荒服、去畱心事違、祇因生計拙、容易逐人依、念我長爲客、送君不是歸、蠻烟分兩地、不覺淚沾衣、

四

十年生花、友、惟、合、生、天、里、念、川、火、子、志、幸、

十年生死友、離合在天涯、送別秋將老、辭行日已
斜、廬陵虛歲月、震澤負桑麻、莫訝今朝別、他鄉不
是家、

送舒左虛歸江西

君去洪州路、黔疆與楚封、盤江依舊渡、迴雁莫登
峰、短景烟雲暮、長途霜雪濃、先生須保重、莫謂氣
如龍、

二

丈夫湖海士、胡乃念桑耕、不是漁樵侶、其如身世
更昂藏、無處所、意氣負空平、彭蠡千秋月、相看不

世情

三

海內方休戰，羈人盡憶家。
如予鄉問杳，空自夢魂賒。
少婦春光老，高堂歲月加。
不堪遊子意，送客在天涯。

四

異鄉亡父弟，况見故人歸。
將我悽惶淚，灑君離別衣。
鬱懷如中酒，折柳悵斜暉。
今夜成孤寂，淒淒何所依。

自嘆

自嘆
歷盡山川險胸中有畫圖奇危千萬處平坦二三
無天地真逆旅江湖老腐儒崎嶇經百折况更世
情孤

二

弱息乾坤寄天涯一懦夫如蓬飄四海無夜不三
吳歲月愁中老詩腸病裏枯故人將去盡酒伴近
來無

三

作客尋常事偏予情獨殊身將萬里外書寄八行
無畏世藏啼笑懷人忽笑吁豈徒羈旅思未老白

吾鬢

元旦

世人爭揖讓。謂是歲時新。未了吾生事。頻過客裏春。慈幃應有淚。令節倍傷神。遊子天涯外。他鄉若箇親。

自傷

窮通不敢問。骨肉更深悲。生死別離盡。衰殘形影危。五倫皆涕淚。百歲一心知。久矣拚人世。吾宗付阿誰。

所思

五湖波底月三徑竹邊梅。湧浪光飛動，微風香細來。清幽無限意，懷抱自然開。漁父常相過，烹鮮煮舊醅。

二

壯懷湖海志，老至念林泉。生意甘衰白，風塵媿暮年。雲山成小築，松菊與周旋。坐臥羲皇上，安禪見性天。

山居

山深多草木，容易構吾廬。花竹千巖下，椿杉一畝居。停雲封戶牖，流水帶門閭。遶屋皆薇蕨，倉庾不

用儲

二

小築烟霞裏。門無車馬過。好同麋鹿友。忘却世人
多。種藥乘陰雨。鋤雲荷笠簔。非無湖海志。山上少
風波。

三

嶺岫圍精舍。松篁護蕤門。鶯啼深柳樹。花滿獨家
村。醴酒山妻釀。書篇古道存。自斟還自咏。甘老白
雪根。

四

生薛沈幽。無名氏子。虛老貪。肯暴。日。開麗。復。口。

性癖耽幽趣。無名氏子虛。老貪背曝日。閒曬腹中書。身外經營寡。山間歲月徐。盤桓撫蒼叟。緩步當吾車。

五

不是逃人世。皆因貧病餘。山中藥物備。塵外俗情疎。終夜鶴清唳。通宵月滿廬。都能愜幽意。蕭灑送居諸。

天馬

天馬難方物。相傳行碧空。歛然雲漢上。羞與驂騑同。天矯龍爲友。飛騰鶴御風。人間若得此。駕馭定

英雄

書懷

冷盡腸中熱。殊耽物外情。
兒童嗤老大。朋友失平生。
平江上月光。迥山間風韻清。
樵夫與釣叟。蓑笠一身輕。

二

踏蹬吾生事。衰殘未老年。
病多醫藥雜。性懶利名捐。
遲暮烟波志。蹉跎日月緣。
荷衣須早結。莫負釣魚船。

讀史感懷

代謝何時已、興亡在目中、昏明由主德、成敗怨天
工、堯舜無奇異、湯文有道同、至於卿與相、何世少
奸忠、

送周漢威東歸

情深不忍別、把袂寸心灰、拭淚頻相視、吞聲強舉
杯、話難岐路盡、書寄半途回、寤寐還相憶、精誠數
數來、

二

壯時生死友、握別鬢毛斑、容易光陰過、艱難頃刻
間、汝歸原不早、吾老尚還、念我情如舊、分金先

買山

雜咏

我亦生天地居然一丈夫性情原懶拙學問更虛
無夔落才疎稱飄零世上孤飛鳴有儔侶心折此
羣鳧

二

宇宙勞生理風光逸化工春花嬌欲語秋月皎長
空山水情無盡乾坤妙不終物華忙應接何暇問
窮通

有感

耳目多奇幻形骸困此生固窮安世態入病看身

耳目多奇幻、形骸困此生、固窮安世態、久病看身
輕、野鳥通吾性、山花怡我情、息機無異術、高蹈在
埋名、

長安懷古

長安多帝宅、今日復何如、一炬秦宮盡、千秋漢室
虛、興亡無限事、成敗總歸墟、滴酒問泉下、英雄盡
此居、

去迤西同學諸子餞別、武安王祠感懷漫賦、
古滇稱萬里、况復去滇西、道路三春半、風塵五色
迷、迤西道中地名、今朝手還把、何處月同携、無限
有稱五色土者、

故人意相將日欲低

二

把袂將分手離筵暫駐行武安忠義廟祖帳故人
情事業歸先進飄零媿後生去畱都不定何地復
班荆

三

十載風塵跡如萍亦似雲別離吾慣事兄弟手難
分情摯何辭醉交真焉用文途窮還去去寂寞破
諸君

四

山川自可覩到處不迷棗南召爲瓜客黍風別文

山川自可親，到處不迷津。
南詔爲孤客，春風別故人。
關河通一氣，涕淚莫沾巾。
回首清溪上，依依楊柳新。

過碧雞關

自昔迤西道，碧雞第一津。
山存今古意，關換往來人。
客子傷心處，登高回首頻。
江東八千里，西去尚風塵。

迤西道中

不謂榆城去，崎嶇萬嶺過。
直尋平地少，枉尺曲山多。
自折東西失，千迴雲霧窩。
一登絕巘處，直欲挽

迤

銀河

二

如此艱危道，兵戎亂後過。所經皆險阻，無往不軾。
軻。白日鄉村少，黃昏燐火多。悲悽千里目，踽踽獨
行何。

三

嶺壑高低路，昏明叫往來。五丁不到此，千嶂是誰
開。雷吼奔谿浪，崖懸幾樹梅。數間茅店屋，點綴在
山隈。

四

滇海疑天盡，如何天外來。雲迷千岫合，馬到萬峰

滇海疑天盡如何天外來雲迷千岫合馬到萬峰
開風大人難御山空猿更哀五湖烟景好腸日百
番迴

五

郡邑曾經過看來倍感傷人烟非舊昔兵火半流
亡青草漫官舍頽垣失女牆窮簷還好義赤子急
輸將

六

亦有喧闐處逢時貿易場士民皆負戴夫婦共趨
蹕列肆惟蔬菜奇贏僅米囊日中爲市罷鳥鵲噪

春光

七

盡道榆城好。行行過下關。塵飛風洗地。春去雪埋山。塵市喧昏晝。弓刀競往還。海波聊豁目。明月破愁顏。

抵榆城

南詔城隍在。登臨思不禁。蒼山雪入畫。洱海月爲心。別有一天地。何爲多古今。千秋無盛覽。司馬少知音。

二

亘古西南徼。開天蒼洱神。生成好風景。閱歷幾君

亘古西南徼開天蒼洱神生成好風景閱歷幾君
民念我爲孤客依人不是親大夫能折節遊子一
停輪

點蒼石

點蒼一片石斤斧斲來看不欲斯文隱聊將畫意
觀波濤動几席烟雨起峰巒山水真奇秀形神恐
不完

二

大文藏石室分得到人間有畫松千本無聲水一
灣臥遊堪累日心地頓然閒如入深山裏悠悠獨

往還

和輪庵上人北勝申刺史松岳立夏前一日

東園看芍藥懷桑提軍次韻

無計畱春住、花開倍惜時、主人長逝早、紅藥放來
遲、着雨胭脂淚、傷心旅客詩、感茲存歿意、低首故
園思

春去

客裏看春去、天涯十六年、子規驚好夢、故國未能
還、垂老傷孤獨、思歸路八千、何當歲月疾、低首落
花前

二

故國歸何日、年華容易行、青春來又去、白髮摘還
生、紫燕全辭壘、蒼蠅聚作聲、時移與物換、感嘆一
心驚、

旅懷

古昔多晚成、百年未半生、經綸慚稷契、心地薄韓
彭、醉酒愁爲減、敲詩氣漸平、干將忽出匣、顧盼一
心驚、

贈莊楷園

寤寐勞鄉思、支離每自憐、天涯逢故友、家國似生

還湖海從爲客、鬚眉豈偶然、撐持各努力、期許在
先賢

中秋

欲數秋毫夜、光隨天地寬、湖鋪白練淨、雪布海田
寒、雲破圓無缺、樽空興未闌、誰家桂香發、馥馥到
更殘

二

曾憶東湖月、今宵一倍明、光無殊俗異、人起故園
情、何日歸張翰、誰憐老步兵、家家歌管沸、妬殺此
愁生

三

懸天一片月，着地似嚴霜。毫可因秋數，家難望異鄉。
書空南詔雁，淚滿北萱堂。總得歸來日，吾生半夜郎。

九日

菊花如故國，開遍在天涯。相對惟杯酒，安能不念家。
秋霜繁兩鬢，身世欲浮槎。未敢登高去，鄉思恐益賒。

竹

丹鳳須親熱，幽篁那折腰。心空于世上，節迥入雲

霄瘦骨直無倚。青姿寒不凋。與君一晤對。鄙吝自
然消。

二
百尺亭亭上。千竿青更苞。歲寒侶松柏。幽致似由
巢。節節能孤立。空空直到梢。門無食肉客。惟有此
君交。

中元日祭祖先

中元滴杯酒。萬里祭吾先。如雨淚濕地。招魂心及
泉。子身天外客。半世病中緣。罔極恩何報。區區一
陌錢。

中秋

四海中秋月、羅崖分外明、天低皓魄大、夜靜客愁
清、寂寞浮生事、淒涼故國情、江南應有雁、飛不到
滇城

二

年年今夜望、何處是江東、月向蛟橋白、秋來昆海
中、客衣寒玉露、焦葉响西風、爲問姮娥者、飄零數
未終

中秋夜曉

望盡中秋月、通宵愁未醒、五更鄉國淚、一夜鬢毛

星角動東方白，風凋梧葉青。
天涯正搖落，遊子尚如萍。

思家

溪水翻花浪，吾家罨畫涯。
河魚隨分取，醴酒酌相知。
每臥長松下，高吟得意詩。
思量如在目，歸去幾何時。

再晤范鴻冶

去歲中秋後，今宵重九前。
重逢一夜話，知己倍潛然。
天意將予絕，人情獨爾憐。
錢唐買山宅，傍汝老林泉。

葉榆署中冬日紅梅大放太守王美堯招飲

花下漫賦

紅滿寒冬樹花飛南詔梅恐增桃杏妬故冒雪霜
開燕賞惟知己佳賓盡楚材官清能有暇不負此
栽培

二

大夫成雅集梅下錯金罍紅比江南艷春先滇國
來興酣忘禮數懷抱大家開我客天涯久看花第
幾回

葉榆晤贈張集庭

弟兄千里別寤寐憶經年
覲面真狂喜談心轉黯
然放懷今日酒朗誦故人篇
相顧鬚眉在何勞世上
上憐

二

天放作閒人遨遊不問津
絕無名利意何事世風
塵秋海月全滿蒼峰雪正
勻知君愛山水况有弟
兄親

鶴

迥與凡禽別飛鳴負異姿
稻梁隨意啄雲海結心
期明月獨清唳啣珠報至
知聲聲霄漢外起我故

鄉思

別友

不惜今朝別、難言後會期、世情天下等、吾道欲何
之、絕粒非仙骨、鳴珂失壯時、行將雲水去、不使一
人知、

迤西道中寒極感懷

冷冽陰凝甚、予裘敝不完、祇憑方寸熱、那敵世間
寒、道路隨人萬、吾行只是單、孤懷誰告語、頻向彼
蒼看、

長至

乾坤不爽信，暖氣破嚴寒。正喜天心復，還悲歲月
殘。泰來剛一線，老去惜雙丸。萬里蹉跎客，吳鉤徹
夜看。

贈溲大觀察許無功

久拚人共棄，况乃上公卿。隔絕雲泥分，原無香火
情。謙恭勞揖讓，權治若平生。一坐春風裏，心降氣
不爭。

二

長貧惟剩骨，久賤禮儀疎。草野吾從畧，文翁度豈
如。牙籤滿牀屋，花竹雜堦除。廷尉何能暇，無營官

有餘

三觀察有麗矚樓詩諸名下士皆和以佳篇

白雪陽春曲歌來泣鬼神庾公獨壓卷洛社盡才
人天上文星聚龍門詞賦新光輝炫珠玉何用識
金銀

四

才大堪千古虛懷每下諏披襟肝欲露論世白還
浮饑溺皆由已功名不自謀感茲真率意竟日此
淹畱

五

引我青雲上、登臨百尺樓。高齋坐深夜，名士着重
裘。銀漢隨身近，金天列宿稠。頓忘烏柏府，疑是到
瀛洲。

六

東方白初上，海氣與天齊。樓閣參差入，山川顏色
低。龍蛇飛翰墨，桃李滿前蹊。詞客多賢士，明公盡
品題。

七

犴獄漫青草，烏臺鎮日虛。能令無訟事，不尚緩刑
書。赤子安常業，儒生食有魚。鷹鷂與市虎，默化已

潛除

八

平反刑幾措、徵輸得緩將、

時觀察署方伯篆

催科寓撫字、

苔蘚上桁楊、著作宮齋富、詩書歲月長、彤庭資啟沃、豈久在遐荒、

九

最喜佳公子、文章若有神、疑將仙作骨、應運謫為人、黃絹新詞妙、青年意氣真、于門自高大、况更有振振

十

孟嘗能好客、公子是平原、幾日知己、終身那報
恩、自慚非國士、誰更惜王孫、無限難言事、傾杯細
細論、

送許巨山還吳會且將入都鄉試

爲惜孤悽客、相留已判年、人間春裏別、天上月初
圓、痛飲相知酒、休題作餞筵、忽聞吳會事、故國意
茫然、

二

自有精誠在、能通寤寐前、何妨茲面目、暫爾隔山
川、萬里蛟龍雨、三秋鵬鷲天、飛鳴乘少壯、勝會是

他年

贈許仰山

寒梅葩欲吐、新月白如鈎、英氣摧風雪、光芒壓斗
牛、飄然具仙骨、豪邁絕人儔、慷慨悲歌者、相逢意
自投、

二

未遂麒麟畫、心輕塞北天、終軍同弱冠、司馬遍山
川、得志神龍友、乘風白鶴仙、飛騰應有日、羨爾是
英年、

連然泉

頓覺嚴寒失、太和沐我身、泉溫浴日月、水聖絕風塵、不濁清今古、無私公賤貧、誰能調大化、四海盡陽春。

二

水火誰烹煉、陰陽氣欲勻、香溫流石液、珠玉辟風塵、何處安丹竈、窮源問鬼神、當年開鑿者、疑是漢仙人。

三

徹底泉同鏡、低頭見列星、人如天上坐、心與地空靈、溫煖非關火、媿妍莫遁形、塵勞能頓息、恍若醉

靈溫煇非關少姑好莫迹开唐突前屯息悒老酉

中醒

四

清心誰似水、溫得聖之和、終古陽春意、遊人白雪
多、鬚眉泉細見、毫髮垢消磨、一滌風塵色、披襟發
浩歌

弔禰衡

敢辱曹丞相、其心已薄生、有才逢亂世、無死不成
名、鸚鵡洲邊血、長江恨未平、千秋萬載後、羞殺漢
公卿

二

昭烈未王蜀、孫權已據吳、普天皆漢賊、何地走狂
夫、北海殊多事、彌生肯受汗、當年埋姓氏、他日武
侯徒、

贈萬爾梅

吾愛萬夫子、高風不市名、胸中無底事、指下自和
平、崖岸何違俗、身心妙獨清、知音誰謂少、山水盡
逢迎、

客至

酒伴啄門來、呼童速煮醅、雨隨農意足、花向故人
開、近日詩無度、竒文讀快哉、荷衣無異味、竹葉下

鹽梅

旅懷

天心難蠡測、遷客欲衰殘、歲月風塵疾、車書宇宙
寬、干戈畱我在、人世覺情闌、知道歸家好、雲山向
北看、

送楚雄司馬馬閑上陞任武昌守

撫字無奇策、循良是妙方、好爲鄂渚政、莫負楚雄
棠、甘雨隨車騎、春花到武昌、長將清白意、持此報
明王、

李雪庵將扶尊公方伯柩還燕前夕過宿話

別

丹旄明晨發、携袞話別離、行將萬里外、莫惜五更
遲、春雨盤江滑、風沙鳥道危、慈幃與父櫬、全仗爾
扶持

離思填胸臆、難將熱酒澆、來朝知別我、扶病坐通
宵、哀毀惟餘骨、長途須善調、平安到燕日、寄語慰
鷓鴣

送李雪庵扶櫬北還

世胄聲名大、心交有布衣、我惟知意氣、君自薄輕

肥孝子、天南去、忠臣匹、七請齋、齋一、素曼、上、支

世胃塵名九心交有在衣我州矢意氣君自薄軀
肥孝子天南去忠臣樞北歸蕭蕭一素幔杜宇破
斜暉

二

素車開遠道白馬絆蹄難痛父聲爲咽離情指寸
丹相知萬里去浮客一身單岐路無多囑孤幃常
問安

五華山永曆故宮

大壑開前面千峰抱五華舊時雙鳳闕俯視萬人
家天意欲移漢神龍竟化蛇銅駝何處所一片亂
雲遮

二
萬里棲遲客、登臨倍黯然、牛羊芻牧地、鵝鷺昔朝天、
新柏誰家樹、啼紅望帝鵲、吾年猶未老、眼見幾
更遷、

三

牧童橫短笛、日夕下牛羊、細雨肥青草、淒風走麥
場、崔巍無紫閣、傾圯有紅牆、當日承恩者、千官列
兩行、

贈廣通尹李穆庵

海內漫意氣、論交盟欲寒、多君忘富貴、結友露心

于東嶺、戲予出瓜行、笑止異、一從幾、別後、悲、年、衣

海內漫意氣論交盟欲寒多君忘富貴結友露心

肝疎懶藏子拙孤行半世單一從識荆後飛舞旅
顏歡

夏日過水壑上人話石居避暑

夏日何當酷來過話石居寒山一晤對暑氣頓消
除君子不謀食素餐安用魚忽然聞半偈悔讀十
年書

弔楊升庵太史

生死渾無計忠言痛哭陳投荒一卒老不愧百年
身昧谷開文運明廷少直臣至今光俎豆何似畫
麒麟

二

廟貌新炎微，丹衷掩盛時。九重一朝誤，六詔萬年祠。日月心同皎，春秋拜所思。從來事君者，焉用此委蛇。

偶作弔彌衡二律，沈霖武謬獎絕唱，占此奉

酬。

老去吟無力，詩成句不驚。相知偏護短，愧我盜虛聲。從古奇男子，羞稱詞賦名。感深寧獨律，惟爾識生平。

送沈霖武東歸

并序

沈霖武山陰人也，客遊真中，予亦客真中。

送沈霖武東歸

沈霖武山陰人也客遊滇中予亦客滇相
與最善其家室移寓金陵尋遷姑孰如浮
萍泛梗絕無定宅霖武出門後事不知也
今奉母命遄歸欲卜居吳門予方浪逐天
末未知稅駕何所感愴傷懷情不能已漫

賦志別

遷客歸何處羈人天一涯
總違鄉國念攜手夕陽
斜四海非長策五湖當卜家
華山多買地待我話
桑麻

二

亢旱連三月、歸程路十千、孤行須保重、策蹇好周
旋、朋友情難割、慈幃眼望穿、欲畱違大義、不禁淚
潜然

三

此去吳門任、當求郭外田、將爲清白吏、那得子孫
錢、耕鑿安常業、功名能幾傳、許多天下士、筆墨誤
因緣

四

祖道一樽酒、送君萬里行、入杯都是淚、欲語竟吞
聲、爾室如浮梗、吾踪似奕枰、去畱渾未定、何日再

班荆

送李又召之葉榆予亦將去南楚漫賦志別
君向榆城去、予將走汨羅、挈妻從作客、好友別離
多、此地分南北、誰人識嘯歌、長途皆鳥道、珍重度
山河、

二葉榆郡所轄有名細奴鄉者

卑濕星沙地、細奴烟瘴鄉、易生諸疾病、當善燹陰
陽、逆旅還分散、浮家各一方、孤兒與孝子、揮手淚
成行、

三

太史碑文在靈均湘水存，好題遷客賦，招得古人魂。辛苦同飄泊，艱難不受恩。胸中無限事，細碎說黃昏。

四

洞庭何浩蕩，南詔盡山場。我愧無舟楫，君能調驪。驪隨身三尺，劍分手一空囊。事業歸年少，吾鬚半已蒼。

五

去住皆無地，支離可奈何。人生負意氣，天道定坎軻。豪傑不得志，行藏曲折多。若愚成大智，慎矣少。

風波

六

努力各前去，毋沾岐路中。從來天下士，多是四方人。生計由他拙，詩書從我貧。幸無兒女累，好與聖賢親。

送楊實甫歸隱楚南

江山風雨積，鳥道達星沙。我客方無定，君歸不到家。出門三尺劍，回首一長嗟。豈是烟霞侶，其如白髮加。

二

嶽麓浮江上、雲山稱隱心。先生構茅屋、白首臥青
岑。壯志向人盡、幽懷入世深。杜門惟養道、不必問
升沉。

三

湘水屈平死、衡山李泌仙。至親傷國事、疎迓識機
先。草野何多怨、人生有幾年。比隣留半畝、我肯老
南滇。

四

生計須因利、乘時好用天。資身魚米地、破浪洞庭
船。沃野數千里、人家百萬烟。於今觀氣象、惟是楚

舟沙里數千里人家百萬烟放今鶴氣象惟是秀

南偏

陪許大觀察無功遊沙朗洞

洞敞深千尺、旌旗擁道來、荷衣耽竹葉、黃絹賦烏
臺、駟馬長驅入、雲屏豁達開、酒酣歌絕調、空谷響
如雷、

二

龍不相鬪、削壁是誰開、乳色千年古、泉流百折
迴、風雲穿窟去、日月人懷來、愛此真幽賞、冥搜興
未灰、

三

不是神仙府，全無斧鑿痕。此間安藥竈，何用覓桃源。
源深澗圍如帶，青山長在門。水窮雲起處，別有一乾坤。

沙朗洞聽萬爾梅彈琴

何處發清籟，分明到耳邊。幽人萬夫子，雅操伯牙絃。
徹底泉如鏡，虛靈洞達天。高山與流水，一任指端傳。

二

古調誰能識，聽來氣不爭。我生常對此，人世盡和平。
心到深山靜，音傳空谷清。鳥鳴飛上下，亦似解。

幽情

三

石室通天地，龍蟠更虎蹲。
鍾離臥雲處，我輩樂琴樽。
山水如求友，絲桐若與論。
清幽真絕勝，竟可老王孫。

四

遊客全無倦，暮烟飛水隈。
歸期不能待，雨色更相催。
騎馬踏雲去，看山何日回。
先生如有意，秋月抱琴來。

龍淙洞同許大觀察聽琴

雞犬全無迹、雲林奏響來、莓苔坐仙客、石瀨作琴
臺、山水彈中盡、高深嘆幾回、斯人與斯景、恍惚在
蓬萊、

二

谷口聚羣賢、琴聲着意宣、平沙鴻雁集、得句爽鳩
先、於此常爲客、何殊世外仙、興移隨坐臥、鎮日未
思還、

月石亭會飲

星回節

秋色新天地、高亭樂酒杯、烟凝千岫合、雲斂一湖
開、瘦日遊盤谷、豪吟盡妙才、晝來還卜夜、萬火雜

星回

寄酬張集庭見懷

讀罷懷人句、沾衣淚不禁、病多逢世懶、性褊合山
深、故國歸何日、支離直到今、難言無限事、之子識
予心

自慨

已極天涯外、子將何所之、風塵猶未已、日月逝如
斯、鬚髮因人老、酸辛只自知、皇天應有眼、父老得
歸期

送張原仲之鄭州幕中

鄭僑能相國、寬猛得相將、古道今歸幕、先生自有
方奇才薄、詩賦經濟大文章、但得行吾意、依人亦
徜徉

寫懷

干戈息海內、樵牧亦容身、天地不流血、江湖多逸
民、吟詩送白日、酣酒卽仙人、但得羲皇意、何須問
漢秦

贈寇敏伯

醫國虛懷抱、肯教吾道窮、君臣參朮內、盧扁弟兄
中、壽世憑仁術、回天奪化工、調元能得似、何處不

春融

寶劔

寶劔何年鑄，開函一座威。
舞來如電掣，渾欲化龍飛。
俠客酬恩怨，人間平是非。
韜藏待持贈，予却久忘機。

張集庭三十九歲誕日

天意求民莫，人間簡上台。
慚無公瑾量，心折子房才。
花到春深盛，星從井聚來。
明年強仕始，黃閣綺筵開。

對鷗

草閣臨秋水，羣鷗時見過。摩天無翰翮，終日戀烟
波。與世何爭患，於人莫網羅。相看兩相得，爲爾一
高歌。

送曾公望東歸

廿載得班荆，相逢又餞行。從今離別思，此後向誰
傾。生計依人苦，艱辛各自撐。君看黃菊意，秋老見
生平。

哭張集庭

道義文章事，予心君獨知。如何生死別，竟在壯年
時。一世虛懷抱，千秋幾卷詩。從今天外客，涕淚向

時一
世虛懷抱千秋幾卷詩
從今天外客涕淚向

誰垂

二

名自高天下身亡徹骨貧
無家還旅櫬有子未成人
古道今難問交情死見真
他生能再晤多恐昧前因

三

未得安窀穸何來郭外田
死無貽後計生不受人憐
涼月淒風夜斜陽衰草天
一环還寄取能不淚潛然

四

紀歲方強仕、修文赴夜臺、人間不得志、天意正憐才。
才未許、幽冥隔、常將夢寐來、一為揮淚雨、心地頓成灰。

五

不耐人間事、應為天上仙。酬恩空有淚、多病好談玄。
才子生前苦、文章身後傳。君今愁思了、予恨正綿綿。

王登山誕日

此日論華胄、如君稱最賢。忽聞才子壽、頓起病夫眠。
異地逢初度、驚心又一年。功名思不朽、何用學

神仙

贈沈瞻遠

當代真詞客、神閒氣似愚、歛才玉在璞、落筆字如
珠、紀律何嚴細、清新失老夫、平生最寂寞、擊節不
能無、

送徐合素入燕

吾愛吾徐友、深沉器識寬、生平多欲淚、志氣未全
寒、金盡交情內、人皆北斗看、長安萬里去、原不爲
彈冠、

二

從古悲歌地、君胡幾度遊、乾坤無不到、人世復何
求、然諾終身事、丈夫誰自謀、酒酣聲莫放、帝子在
幽州、

三

道不隨時貶、人難絕世緣、滑稽容此日、正色想當
年、天地風塵客、身家湖海船、平生壯遊意、直欲到
燕然、

四

一劍各垂白、天涯分弟兄、逢人開口笑、含淚剔吾
情、心不移金石、交堪托死生、無深岐路語、方寸肯

寒盟

除夕

爆竹聲中坐黃昏，靜閉門。
淚珠收不住，衰老負深恩。
笑語鄰家雜，天涯心事繁。
故園誰復在，空有夢歸魂。

自述

畏世難迴避，通宵覺漏長。
一生愁作主，終日藥中忙。
有酒時聊遣，無茶飯不香。
何能五更睡，許久在
家鄉。

遣懷

寂寂客窓靜、溶溶月到杯、百憂綠醕散、一醉黑甜
來、有肉貧難致、無魚拙合該、鬢毛還在壯、怪殺雪
成堆

除夕

壯歲逢除夕、孤懷每自憐、幾經銷白髮、誰復問青
天、珠淚寒椒酒、他鄉失暮年、虛名盜文字、誤我四
方緣

元旦

昨夜百愁集、通宵酒一杯、自從新鬢得、春自故園
來、地迥羈人老、天空暖律回、梅花滿三徑、知足爲

來地迤躡人老天空暖律同梅花滿三徑知足爲

誰開

贈昆明尹張滌園

年來惟好道、老去少交遊、况乃布衣客、敢望列宿
儔、多君重氣誼、力疾訪賢侯、握手歡如舊、開樽故
故留、

二

醴酒宜吾性、何當珍錯陳、慚予非上客、終日累庖
人、病失寧關藥、豪吟若有神、興酣無禮數、飛動見
天真、

竹

琅玕青且直、百尺上冲霄、孤節風偏勁、嚴寒葉不凋、一叢寧徙倚、獨立見丰標、半畝青如簣、吾生寄寂寥

二

孤高多節操、百歲只如常、瘦骨熬風雨、清姿飽雪霜、影惟溪月弄、實許鳳凰嘗、幾本殘編外、青青帶草堂

送故昆明尹張滌園靈輜東歸

載道悲號動羣黎、撫一棺、塵埃濕淚雨、風木振江干、報國心何極、丹衷血未寒、甘棠千萬樹、畱與百











